

Apelacioni sud Brčko distrikta Bosne i Hercegovine u vijeću sastavljenom od sudija Damjana Kaurinović, kao predsjednika vijeća i sudija Ruže Gligorević, Ilje Klaić, Srđana Nedić i Josipe Lucić, kao članova vijeća, u postupku ocjene usklađenosti pravnih akata Brčko distrikta Bosne i Hercegovine, postupajući po inicijativi M.T. iz B., koju zastupa punomoćnik Amer Ramić, advokat iz Brčkog, na osnovu člana 18. stav 1. tačka c. Zakona o postupku ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti („Službeni glasnik Brčko distrikta BiH“, broj 45/10) i člana 10. stav 2. Poslovnika o radu Apelacionog suda Brčko distrikta Bosne i Hercegovine u postupcima ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti („Službeni glasnik Brčko distrikta BiH“, broj 45/10), na sjednici vijeća održanoj dana 10.04.2013. godine, d o n i o j e

R J E Š E N J E

ODBACUJE SE inicijativa za pokretanje postupka za ocjenu usklađenosti člana 2. tačka 2. podtačka 2.6. Organizacionog plana uprave Brčko distrikta Bosne i Hercegovine - Odjeljenja za komunalne poslove broj 01-014-23085/07 od 07.12.2007. godine i člana 1. Odluke o izmjenama i dopunama Organizacionog plana uprave Brčko distrikta Bosne i Hercegovine - Odjeljenja za komunalne poslove broj predmeta 05-000488/11 broj akta 08- 0269PLJ-01/11 od 04.04.2011. godine, sa odredbama člana 15. stav 1., člana 18. stav 1. i člana 67. stav 1. Zakona o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj 30/09) i odredbama člana 13. stav 2. Statuta Brčko distrikta Bosne i Hercegovine („Službeni glasnik Brčko distrikta BiH“, broj 2/10).

O b r a z l o ž e n j e

M.T. iz B., koju zastupa punomoćnik Amer Ramić, advokat iz Brčkog, podnijela je dana 09.01.2013. godine inicijativu za ocjenu usklađenosti člana 2. tačka 2. podtačka 2.6. Organizacionog plana uprave Brčko distrikta Bosne i Hercegovine - Odjeljenja za komunalne poslove broj 01-014-23085/07 od 07.12.2007. godine i člana 1. Odluke o izmjenama i dopunama Organizacionog plana uprave Brčko distrikta Bosne i Hercegovine - Odjeljenja za komunalne poslove broj predmeta 05-000488/11 broj akta 08- 0269PLJ-01/11 od 04.04.2011. godine, sa odredbama člana 15. stav 1., člana 18. stav 1. i člana 67. stav 1. Zakona o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj 30/09) i odredbama člana 13. stav 2. Statuta Brčko distrikta Bosne i Hercegovine („Službeni glasnik Brčko distrikta BiH“, broj 2/10).

S obzirom da inicijativa nije sadržavala potrebne podatke i priloge propisane članom 31. Zakona o postupku ocjene usklađenosti pravnih akata Brčko distrikta Bosne i Hercegovine, odnosno nije sadržavala preciznu odredbu Zakona o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH, broj 30/09) kojom se traži ocjena usklađenosti, niti su bili priloženi ovjereni prepisi akata čija se ocjena usklađenosti osporava, dopisom ovog Suda broj 097-0- OUS-13-000001 od 06.02.2013. godine, pozvan je punomoćnik podnosioca inicijative

da istu dopuni u skladu sa navedenim uputama, uz napomenu, da ukoliko ne postupi po navedenim uputama inicijativa će biti odbačena u skladu sa članom 18. stav 1. tačka c. Zakona o postupku ocjene usklađenosti pravnih akata Brčko distrikta Bosne i Hercegovine.

Podneskom od 14.02.2013. godine, punomoćnik podnosioca inicijative je odredio članove Zakona o visokom obrazovanju u Brčko distriktu Bosne i Hercegovine sa kojom se traži ocjena usklađenosti predmetnih akata, navodeći da se u prilogu akta dostavljaju Organizacioni plan uprave Brčko distrikta Bosne i Hercegovine - Odjeljenja za komunalne poslove broj 01-014-23085/07 od 07.12.2007. godine i Odluka o izmjenama i dopunama Organizacionog plana uprave Brčko distrikta Bosne i Hercegovine - Odjeljenja za komunalne poslove, broj predmeta 05-000488/11, broj akta 08- 0269PLJ-01/11 od 04.04.2011. godine, iako je dostavljena samo neovjerena fotokopija Odluke o izmjenama i dopunama Organizacionog plana uprave Brčko distrikta Bosne i Hercegovine - Odjeljenja za komunalne poslove, broj predmeta 05-000488/11, broj akta 08- 0269PLJ-01/11 od 04.04.2011. godine.

Dakle, ovjereni prepisi pravnih akata čija se ocjena usklađenosti traži nisu kompletno dostavljeni, zbog čega je podnosilac inicijative dopisom ovog Suda 097-0-OUS-13-000001 od 13.03.2013. godine ponovo pozvan da iste dostavi, pod prijetnjom odbacivanja inicijative, shodno članu 18. stav 1. tačka c. Zakona o postupku ocjene usklađenosti pravnih akata Brčko distrikta Bosne i Hercegovine.

Podneskom od 27.03.2013. godine punomoćnik inicijatora je zatražio produženje roka za dostavu traženog, pozivajući se pri tom na odredbu člana 75. stav 2. Zakona o parničnom postupku Brčko distrikta BiH („Službeni glasnik Brčko distrikta BiH“, broj 8/09 i 52/10), iz razloga što od nadležnog odjeljenja Vlade Brčko distrikta BiH nije dobio tražene akte.

Odredba člana 75. stav 2. Zakona o parničnom postupku Brčko distrikta BiH odnosi se na sudske rokove, koje sud kod zakazivanja ročišta može izuzetno produžiti na prijedlog zainteresovanog lica ako za to postoje opravdani razlozi, a rok za otklanjanje nedostataka inicijative nije sudski već zakonski rok, decidno određen članom 10. Poslovnika o radu Apelacionog suda Brčko distrikta Bosne i Hercegovine u postupcima ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti, zbog čega je isključena mogućnost produženja datog roka.

S toga je, po ocjeni ovog suda, podnošenje inicijative preuranjeno, jer je podnosilac inicijative dužan najprije obezbijediti ovjeren prepis akata koji nisu objavljeni u Službenom glasniku Brčko distrikta BiH, shodno članu 31. stav 2. Zakona o postupku ocjene usklađenosti pravnih akata Brčko distrikta Bosne i Hercegovine, pa potom podnijeti inicijativu prilažući ovjerene prepise akata uz istu.

S obzirom na navedeno, shodno članu 18. stav 1. tačka c. Zakona o postupku ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti i člana 10. stav 2. Poslovnika o radu Apelacionog suda Brčko

distrikta Bosne i Hercegovine u postupcima ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti, odlučeno je kao u dispozitivu rješenja.

BOSNA I HERCEGOVINA
APELACIONI SUD BRČKO DISTRIKTA
BOSNE I HERCEGOVINE
Broj: 097-o-OUS-13-000001
Brčko, 10.04.2013. godine

PREDSJEDNIK VIJEĆA

Damjan Kaurinović

Da je ovaj otpravak rješenja
saglasan sa izvornikom
tvrdi i ovjerava pisarnica Suda